

Evening Dogri (NSD) News Bulletin

22-August.- 2026

आकाशवाणी

खास-खास खबरां

- सरकार ने 4 बरे थमां घट्ट उम्री दे बच्चे आस्तै Chlorpheniramine ते Phenylephrine दे संयोजन यानि Combination दे इस्तेमाल पर रोक लाई।
- गृहमंत्री अमित शाह होरें पूर्वी सीमा सुरक्षा दी समीक्षा कीती- सिलिगुड़ी कॉरीडोर गी मजबूत करने पर ध्यान केन्द्रित किता।
- भारती सेना ने पंजाब दे बन्ने आले इलाकें पर आधुनिक ड्रोनं दी अपनी पैहली “बाज़ बटालियन” तयार कीती।
- भारत ने सोमालि अधिकारियें अगगे दंड बवसायिक जहाजें दे अपहरण दा मुद्दा चुक्केआ- जिंदे च 22 भारती नागरिक सोआर हे।
- अमरीका ते कनाडा बश्कार बपार बारे गल्लबात असफल। एदे मगरा अमरीका ने कनेडा थमां औने आले 20 अरब डॉलर दे समान पर 50 फीसदी शुल्क लाई दिता। कनेडा ने आखेआ एदे बदले च जवाबी कार्रवाई किती जाग।
- ते भारती मौसम विभाग ने अज्ज पूर्वी मध्य प्रदेश च भारी थमां बी भारी बरखा होने लेई ऑरेंज अलर्ट दी चेतावनी जारी कीती।

<><><><><><>

Govt. FDCs

सरकार ने अज्ज 4 बरे थमां घट्ट उमरी दे बच्चें आस्तै Chlorpheniramine मैलीट ते Phenylephrine Hydrochloride आले सब्बनें निश्चित खुराक संयोजनें दे निर्माण- बिक्री ते वितरण पर रोक लाई दिती ऐ। स्वास्थ्य मंत्रालय ने इक्क अधिसूचना च आदेश दिता ऐ जे लौहके बच्चें दे स्वास्थ्य ते सुरक्षा आस्तै एह बड़ी गै महत्वपूर्ण गैह ऐ जेदे तैहत 4 बरे थमां घट्ट उमरी दे बच्चें आस्तै इनें दवाइयें दे सेवन उप्पर रोक लाई गई ऐ। सरकार ने निर्माताएं गी लेबल- पैकेज ते प्रचार विज्ञापनें पर स्पष्ट रुप कन्नै एह चेतावनी प्रदर्शित करने दे निर्देश दिते जे जे चार बरे थमां घट्ट उम्री दे बच्चें लेई इनें दवाइयें दा इस्तेमाल नेंई किता जाग। सरकार दा आखना ऐ जे एह दवाइयां घट्ट उम्री दे बच्चें लेई जोखिम पैदा करी सकदियां न ते एदे सुरक्षित विकल्प बी उपलब्ध ना।

<><><><><><>

Amit Shah

केन्द्रीय गृह मंत्री अमित शाह होरें अज्ज पच्छिम बंगाल दे डारजलिंग दे सुकना च गौरखा नेताएं कन्नै महत्वपूर्ण बैठक कीती। इस बैठक च मुखमंत्री सुवेंदु अधिकारी- मुख सचिव मनोज अगरवाल- पहाड़ी मामलें दे राज्यमंत्री विशल लामा गौरखा नेता बिमल गुरंग- मान गिशिंग- लोक सभा सांसद राजू बिश्ट ते होर 4 गोरखा विधायक शामिल हे ते एदे मगरा इसले शामी बी केन्द्रीय गृह मंत्री होरें सिलिगुड़ी कॉरीडोर दी उच्चे स्तर दी बैठक कीती- जेदे च BSF- SSB- IB पुलिस ते राज्य ते केन्द्र दे शीर्ष अधिकारी शामिल हे। सिलिगुड़ी कॉरिडोर जिसी Chicken's Neck बी आखेआ जंदा ऐ उत्थे गृहमंत्री होरें सुरक्षा इंतजामें दे कन्नो-कन्नी भारत दे पूर्वी बन्ने दा जायजा लैने लेई बैठक रक्खी। शाह होरें एह बैठक पच्छिम बंगाल दे वरिष्ठ अधिकारियें ते केन्द्र सुरक्षा बलें कन्नै सिलिगुड़ी दे बाहरले इलाके सुकना च कीती। अज्ज उन्दा इस राज्य दे दौरे दा त्रीया ते खीरी दिन हा- जिस दौरान उ'नें इस उच्चे स्तर दी बैठक दी अध्यक्षता कीती।

<><><><><><>

PM –PLI Scheme

प्रधानमंत्री नरेन्द्र मोदी होरें आखेआ ऐ जे भारत ने लसैंस राज दे दौरान उत्पादन गी दंडित करने लेई अपने दृष्टिकोण गी मौलिक रुप कन्नै बदली दिता ऐ। उनें सरकार दी उत्पादन सरबन्धी प्रोत्साहन यानी PLI दे जरिये मते शा मता सामान बनाने आली कम्पनियें गी आर्थिक मदाद देआ रदी ऐ। कल Economic Times World Leaders Forum 2026 गी सम्बोधित करदे होई श्री मोदी होरें पुरानी विनाशकारी उत्पादन सरबन्धी दंड प्रणाली दी तुलना वर्तमान PLI कन्नै कीती ते दस्सेआ जे सोच च सुधार कियां मौलिक रुप कन्नै आर्थिक परिणामें गी बदली सकदा ऐ। उनें PLI योजना दी सफलता गी बी प्रस्तुत किता- जिने कल्लै गै वास्तविक निवेश च 2.5 ढाई लख करोड़ रुपे आकर्शित किते न- उत्पादन ते बिक्री च 22 लख करोड़ रुपे जुटाए न- निर्यात च 15 लख करोड़ रुपे उपलब्ध किते न ते 14 लख थमां मती नौकरियां उत्पन्न कितियां न। दुनिया भर च होआ रदी विकास दी कमी संसाधनें गी हथियार बनाने ते बधदे अविश्वास सरबन्धी व्यापक चिंताएं गी सम्बोधित करदे होई प्रधानमंत्री होरें जोर पाइयै आखेआ जे अंतराष्ट्रीय समुदाय तेजिया कन्नै भारत गी विकास ते मेद दी इक्क किरण दे रुप च दिखा रदा ऐ।

<><><><><><>

Army Baaz Battalion

भारतीय सेना ने पंजाब दे बन्ने आले इलाकें पर आधुनिक ड्रोने दी अपनी पैहली “बाज बटालियन” तयार कीती तां जे आसमान थमां निगरानी ते युद्ध क्षेत्र च सेना दी ताकत गी बधाया जाई सके। एह बटालियन आसाम थमां सेना दी अक्ख बनियै कम्म करोग ते दुश्मनें थमां मता ताकतवर बनोग। आकाशवाणी दी रिपोर्ट मुजब- सेना दी वज्र कोर जां 11 कोर जिसी पंजाब दा रक्षक बी आखेआ जंदा ऐ- इस “बाज़ बटालियन” दा इस्तेमाल करने आली पैहली टुकड़ी ऐ। एदा नांऽ बाज़ पक्खरू दे नांऽ पर रखेआ गेआ ऐ- जेड़ा अपने शिकार पर नज़र रखदा ऐ। सोशल मीडिया प्लेटफार्म “एक्स” पर वज्र कोर दे जनरल ऑफिसर कमांडिंग GoC ने इस बटालियन दे सब्बनें जोआनें गी एदे स्थापना दिवस दी

शुभकामनां दितियां। उ'नें जोआनें कन्नै गल्लबात करदे होई आखेआ जे नमीं टक्कालोजी ते नमें तौर-
तरीके भविष्य दे युद्ध च साढी ब्हाई ताकत गी होर मता मजबूत करगंन।

<><><><><><>

India Somalia

भारत नै 22 भारती नागरिकें गी लेइयै जा'रदे दंडु बवसायिक ज्हाजें दे अपहरण दा मुद्दा सोमाली अधिकारियें अग्रे पुटटेआ ऐ। भारती उच्चायोग मुजब सब्बनें भारती नागरिकें दे सुरक्षित होने दी सूचना ऐ। भारत नै आखेआ ऐ जे ओह सब्बनें शा उप्पर अपने नागरिकें दी सुरक्षा ते कल्याण गी तरजीह दिंदा ऐ। पैहले ज्हाज एम.टी सिबू गी 20 अगस्त गी अदन दी खाड़ी च यमन दे कंडे दे कोल अगवाह करी लैता गया हा। एहदे च 16 भारतीय नागरिकें समेत 20 लोक सवार हे। दुए ज्हाज एम.वी लुत्फ गी 17 अगस्त गी सोमालिया दे पुंटलैंड कंडे दे कोल अगवाह करी लैता गया हा। एहदे च 6 भारतीय नागरिकें समेत 10 लोक सोआर हे। विदेश मंत्रालय दे प्रवक्ता रणदीप जायसवाल होरें आखेआ जे भारत अशांत समुन्द्री इलाके च कम्म करा रदे भारतीय नागरिकें दी सुरक्षा गी लेइयै संजीदा ऐ।

<><><><><><>

Mandviay Brics

युवा मामलें ते खेड्डें दे मंत्री डाक्टर मनसुख मांडविया होरें होरनें मंत्रिणें ते ब्रिक्स मुखें दे वरिष्ठ प्रतिनिधियें कन्नै आंध्र-प्रदेश दे विशाखापट्टनम कोल ऐतिहासिक थोटलाकोंडा बौद्ध विरासत स्थल दा दौरा कीता। प्रतिनिधियें उत्थे ध्यान केन्द्रें- खुएं- रसोई क्षेत्रें सनें प्राचीन बौद्ध अवशेषें गी दिक्खेआ। डाक्टर मांडविया होरें “एक पेड़ मां के नाम” अभियान दे तैहत थोटलाकोंडा च इक्क बूहटा बी लाया। एह यात्रा भारत दी ब्रिक्स अध्यक्षता 2026 दे तैहत विशाखापट्टनम च आयोजित किते जा'रदे कार्यक्रमें दा हिस्सा ऐ। ब्रिक्स युवा मंत्रिणें दी बैठक अज्ज शामी विशाखापट्टन च आयोजित कीती जाग।

डाक्टर मनसुख मांडविया हुंदी अध्यक्षता च होने आली इस बैठक च शिक्षा- कौशल विकास- उद्यमिता- कल्याण ते सत्त विकास पर ध्यान केन्द्रित करदे होई युवा विकास ते सशक्तिकरण च सहयोग गी होर मजबूत करने दे तौर-तरीकें पर चर्चा कीती जाग। ब्रिक्स खेड्ड मंत्रियों दी बैठक कल विशाखापट्टनम च होग जेदे च खेड्डें दे क्षेत्र च सहयोग बधाने पर बी चर्चा होने दी मेद ऐ।

<><><><><><>

SC-Lok Adalat

सुप्रीम कोर्ट ने “समाधान समारोह” नांऽ दी इक पैहलकदमी दी शुरुआत कीती ऐ जेदे तैहत त्रंऊ दिनें आस्तै इक खास लोक अदालत सद्दी गई। एहदे शा पैहले गै दिन कोर्ट ने आपसी गल्लबात कन्नै 400 थमां मते मुकदमें गी म्हेशा लेई खत्म करी दिता। इनें मसलें च घरेलू झगडें- जमीन जायदाद दे विवाद- गड्डियें दे हादसें दे क्लेम- टैक्स सरबन्धी मामलें ते नौकरी मजदूरी कन्नै जुडे दे पुराने केस शामिल हे।

<><><><><><>

Charri Mubarak

श्री अमरनाथ जी हुंदी पवित्तर छड़ी मुबारक अज्ज श्रीनगर दे दशनामी अखाड़े थमां श्री अमरनाथ जी दी पवित्तर गुफा लेई अखीरी रिवायती रस्म दी शुरुआत करदे होई खाना होई। महंत दीपेन्द्र गिरी हुंदी अगुआई च सदियें परानी श्री अमरनाथ यात्रा दे हिस्से दे तौरा पर पवित्तर छड़ी पवित्तर गुफा तगर पुज्जोग। श्रद्धालू ते साधु इस जुलूस च शामिल होए। छड़ी मुबारक दी सलाना यात्रा अमरनाथ जी तीर्थ दा इक महत्वपूर्ण समापन अनुष्ठान ऐ। छड़ी यात्रा गी सुचारु ते बवस्थित ढंगे कन्नै करोआने आस्तै रस्ते च व्यापक सुरक्षा ते होर लोडचदे इंतजाम कीते गेदे न।

<><><><><><>

US Tariffs

अमरीका ने 20 अरब डालर मुल्ल दे कनाडाई माल पर 50 प्रतिशत शुल्क लाई दिता ऐ। एह शुल्क अज्ज बडुलै थमां लागू होई गे न। अखीरी समें ते तनोतनी घट्ट करने लेई गल्लबात नाकाम होने दे बाद कनाडा ने आखेआ ऐ जे ओह फौरी जवाबी कारवाई करोग।

<><><><><><>

Weather

मौसम विभाग नै पूर्वी मध्य प्रदेश च अज्ज मौलाधार बरखा पौने दी शेंका जाहिर कीती। असम-सिक्किम- मेघालय- नागालैंड- मणिपुर- मिजोरम ते त्रिपुरा सनें मुख्य दे होरनें हिस्सें च बी कल तेज बरखा दी संभावना ऐ। दिल्ली- पंजाब- हरियाणा- चंडीगढ़- बिहार- छत्तीसगढ़- पूर्वी उत्तर प्रदेश- हिमाचल प्रदेश- जम्मू कश्मीर- लद्दाख उड़ीसा- पश्चिम बंगाल दे तराई आले क्षेत्र- उत्तराखंड ते पश्चिम मध्य प्रदेश च बी इसै चाली दा माहौल रौहने दी संभावना ऐ। इस दौरान राश्ट्रीय राजधानी क्षेत्र दिल्ली दे किश इलाकें च अज्ज बडुलै बरखा होई। विभाग नै अज्ज राश्ट्रीय राजधानी च आमतौर पर बदल छाए रौहने दी संभावना जताई ऐ।

<><><><><><>

Punjab NHRC

राश्ट्र मानवाधिकार आयोग (NHRC) ने पंजाब सरकार लेई इक नोटिस जारी किता ऐ जेदे च आरोप लाया गया ऐ जे मुख्मन्त्री भगवंत मान हुंदी घरा'आली ने इक बलात्कार दे मामलें गी कथित रुपै कन्नै दवाने लेई 5 करोड़ रपे दी मंग कीती ऐ। आयोग दे सदस्य प्रियंक कानूनगो दी अध्यक्षता आली NHRC दी पीठ ने इ'नें आरोपें दा संज्ञान लैता ऐ ते पंजाब दे मुख्म सचिव ते पुलस महानिदेशक गी नोटिस जारी करियै आरोपें दी जांच करने ते 2 हफ्ते दे अंतरगत आयोग गी किती गेई कारवाई दी रिपोर्ट ATR सौपने दा निर्देश दिता ऐ।

<><><><><><>

Govt. Advertisements

केन्द्र सरकार ने टेलीविजन चैनलें लेई 12 मिनटें दे विज्ञापन दी समे-सीमा गी हटाने दी अधिसूचना जारी कीती ऐ। एह फैसला राजपत्र (गजट) च केबल टेलीविजन नेटवर्क नियम 1994 च संशोधन दी अधिसूचना दे कन्नै गै प्रभावी होई गया ऐ। एदे शा पैहले सूचना ते प्रसारण मंत्रालय ने इक ब्यान च आखेआ जे टी.वी प्रसारण क्षेत्र च आए दे बदलावें गी दिखदे होई- विज्ञापन दी अवधि सरबन्धत शर्ते दी समीक्षा करने दी जरूरत मसूस कीती गई ही। ब्यान च इब्बी आखेआ गेआ जे भारत च एह क्षेत्र विज्ञापन पर अतियांत निर्भर ऐ भामे ओह सुशल्क होयै जां Free to Air यानी मुफ्त। एदे च इब्बी आखेआ गेआ ऐ जे डिजिटल मीडिया दी तुलना च पारम्परिक टी.वी चैनलें लेई इक्को जे अवसर उपलब्ध नैई हे। कीजे डिजिटल मीडिया पर विज्ञापन दी समे-सीमा गी लेइयै ऐसा कोई प्रतिबंध नैई ऐ।

<><><><><><>

BJP Resolution

बी.जे.पी ने अज्ज “वंदे मातरम” दी ऐतिहासक विरासत दे सम्मान ते संरक्षण दे सरबन्धै च इक्क प्रस्ताव पारित कीता। सोशल मीडिया पोस्ट च BJP अध्यक्ष नितिन नवीन होरें आखेआ जे पार्टी ने कांग्रेस कार्य समीती दे पार्टी कार्यक्रमें दे “वंदे मातरम” दे छड़े पैहले 2 पैरे गी गाने दे फैसले दी कड़ी निंदा कीती ते ओदा स्पष्ट रुप कन्नै विरोध किता। उंनै आखेआ जे BJP राष्ट्र गी नेताएं दे दबाव ते वोट लैने दी राजनीति दे सामने झुकने नैई देग ते इयै नैई हर कोशश गी पूरी चाली ठुकराई देग।

<><><><><><>